

Keadaan di Lahad Datu terkawal, kerajaan pilih berunding – PM
Utusan Online
14 Februari, 2013

PAPAR 14 Feb. - Perdana Menteri, Datuk Seri Najib Tun Razak berkata, keadaan di Lahad Datu adalah terkawal dengan kerajaan memilih cara perundingan, bukannya pertumpahan darah bagi membolehkan sekumpulan orang asing bersenjata api keluar dari negara ini dengan aman.

Katanya, kawasan yang diduduki mereka pada masa ini telah dikepung oleh pasukan polis dan Angkatan Tentera Malaysia yang mencukupi kekuatannya untuk bertempur.

"Mereka mempunyai saudara mara di sini dan kita tidak mahu melakukan apa-apa tindakan yang menyebabkan ada nyawa terkorban. Kita minta mereka balik secara baik ke selatan Filipina," katanya selepas majlis bersama rakyat di sini hari ini. - UTUSAN

Hakcipta Terpelihara © UTUSAN MELAYU (M) BERHAD

Source: http://www.utusan.com.my/utusan/Dalam_Negeri/20130214/dn_12/Keadaan-di-Lahad-Datu-terkawal-kerajaan-pilih-berunding---PM